



PROCESVERBALI

-III- Nr. i prot. 1818 Më 21.05 2019
Br. prot. 1818 Dt. 21.05 2019
RAHOVEC - ORAHOVAC

Nga mbledhja e rregullt e Kuvendit Komunal të Rahovecit, e mbajtur më **30.04.2019** me fillim në ora **10.15**. Mbledhjen e kryesoi Kryesuesi i Kuvendit z. **Afrim Dina**. Konstatohet se kuorum, për mbajtjen e mbledhjes kemi,

Kryesuesi – Fillimisht më lejoni të ju përshëndes, i nderuar kryetar i komunës z. Smajl Latifi, nënkryetar i komunës z. Fatmir Iska, nxënësit e shkollës së mesme profesionale “Selajdin Mullabazi”, drejtor të drejtorive komunale, të nderuar kuvendar, pjesëtar të KFOR-it, OSBE-së, gazetar dhe media. Besoj se rendin e ditës dhe materialin e keni marrë me kohë? Për këtë mbledhje propozoj këtë:

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Raportit Financiar Janar – Mars 2019,
4. Shqyrtimi dhe aprovimi i Plotësim ndryshimi të Rregullores për Taksa, Tarifa, Ngarkesa dhe Gjeba Komunale,
5. Shqyrtimi dhe aprovimi i Vendimit të Kryetarit për miratimin e marrëveshjes për bashkëfinancim dhe themelimin e komisionit për shqyrtimin e kërkesave për ndarje të shtëpive për banim,
6. Shqyrtimi dhe aprovimi i Vendimit të Kryetarit për themelimin e çmimit për krijimtari letrare e artistike “Sulejman Krasniqi”,
7. Shqyrtimi dhe aprovimi i Vendimit të Kryetarit për caktimin e datës 7 dhjetor si Dita e Bibliotekës “Sulejman Krasniqi” në Rahovec,
8. Shqyrtimi dhe aprovimi i Draft Planit të Veprimit për Transparencë Komunale 2019 – 2023,
9. Shqyrtimi dhe aprovimi i Vendimit për Themelimin e Komitetit Konsultativ për persona me aftësi të kufizuara, shpalljen e konkursit dhe caktimin e panelit për përzgjedhjen e anëtarëve në komitet,
10. Shqyrtimi dhe aprovimi i Vendimit paraprak për ndërrimin e destinimit të përhershëm të tokës kullosë e klasës së 6 në tokë ndërtimore për Zonën Ekonomike në fshatin Opterushë,
11. Shqyrtimi dhe aprovimi i Vendimit për dhënien e pëlqimit për shfrytëzimin e ngastrave kadastrale 777, 778 dhe 779 në vendin e quajtur Rakita – Xërxë, kompanisë “NTP Vëllezërit Morina”,

12. Shqyrtimi dhe aprovimi i Draft Rregullores për Mënyrën dhe Kushtet e Shfrytëzimit të Palestrës së Sporteve “Mizahir Isma” Rahovec,
13. Shqyrtimi dhe aprovimi i Vendimit për ndryshimin dhe plotësimin e vendimit 01 Nr. 591 të datës 16.02.2018, për Themelimin e Komitetit për Komunitete,
14. Shqyrtimi dhe aprovimi i Vendimit për ndarjen e mjeteve financiare për festivalin tradicional mbarëkombëtare të folklorit “Anadrinia Jehon 2019”.

Kryesuesi – Të nderuar kuvendarë a pajtoheni me këtë rend dite.

Fehmi Hoxha – Përshëndetje për të gjithë të pranishmit, tek pika e tretë e rendit të ditës Shqyrtimi dhe aprovimi i Raportit Financiar Janar – Mars 2019, të nderuar nuk duhet të shkruhet shqyrtimi dhe aprovimi por vetëm shqyrtimi sepse raporti financiar nuk miratohet asnjëherë.

Dervish Çadraku – Përshëndetje për të gjithë të pranishmit, të nderuar rendi i ditës për mbledhjen e sodit është goxha i madh, për të qenë ne përmbajtjesor dhe të i shtjerrim temat ne besoj se brenda ditës së sodit nuk do të mundemi. është mirë që herrave tjera rendi i ditës të jetë më i pakët në mënyrë që ne të japim tamam kontributin se për çka kemi ardhur ne këtu. Nëse ne kemi temat të cilat nuk mundën të tejkalohen, atëherë më mirë është të kemi dy mbledhje brenda muajit, edhe nëse dikush thotë se duhet të paguhemi për dy mbledhje unë propozoj që mos të paguhemi, por nuk është mirë të ngarkohemi në këtë shkallë sepse nuk është ai efekt të cilin duhet të kemi ne si kuvendar.

Kryesuesi – Ju faleminderit për vërejtjet dhe diskutimin e bërë të nderuar kuvendarë, nëse nuk ka askush të shtoj edhe diçka atëherë e qes në votim rendin e ditës: Konstatoj se në mënyrë unanime është aprovuar rendi i ditës. Kalojmë në pikën e parë të rendit të ditës:

1.Shqyrtimi dhe aprovimi i Procesverbalit nga mbledhja e kaluar.

Kryesuesi – A ka dikush të jepe ndonjë vërejte apo ndonjë sugjerim sa i përket procesverbalit nga mbledhja e kaluar. Nëse jo atëherë unë kam një vërejtje tek diskutimi imë tek pjesa e parë e lusë sekretarin e kuvendit që ta përmirësojë një gabim teknik që është bërë. E qes në votim pikën e parë (1) të rendit të ditës. Konstatoj se unanimisht aprovohet Procesverbalit nga mbledhja e kaluar. Kalojmë në pikën e 2 të rendit të ditës.

2. Pyetjet dhe përgjigjet në pyetjet e këshilltarëve.

Kryesuesi - A ka ndonjëri nga drejtorët që ti përgjigjet kuvendarëve në pyetjet e parashtruara nga mbledhja e kaluar, nëse nuk ka atëherë e hapim debatin, fjala është e juaja të nderuar kuvendar nëse keni të parashtroni ndonjë pyetje për ekzekutivin.

Fahrije Lushi Morina – Përshëndetje për të gjithë të pranishmit në sallë, do të ndërlidhem me një pyetje e cila është bërë temë në nivel vendi e cila ka të bëjë me Drejtorin për punë Inspektuese. Të nderuar a keni dalë ndonjë herë të inspektoni ndonjë ndërmarrje pune e cila i ka deri në 10 punëtor, a keni inspektuar se si është siguria në punë e këtyre punëtorëve, a kanë këta punëtor kontrata, kjo temë është bërë mjaftë e ndjeshme dhe përmendet gati çdo ditë.

Afërdita Thaqi – Përshëndetje për të gjithë të pranishmit, do e ngris një shqetësim, javën e kaluar me datë 25.04.2019 ditë e enjte shefi i kabinetit të kryetarit ka pasur përleshje fizike në objektin e komunës me një shërbyes civil, konkretisht me z. Enis Mullaavda. Të nderuar shefi i kabinetet të kryetarit është duke bërë presion të vazhdueshëm ndaj shërbyesve civil, pyetje ime konkrete për kryetarin është: Çfarë masa keni mare ndaj shefit të kabinetit, dhuna fizike është e ndaluar në rrugë e mos të flasim për institucione. A duhet që personat e kabinetit të kryetarit të gëzojnë imunitet, saqë që mos të japin llogari edhe para ligjit, kur e dimë se para ligjit jemi të barabartë të gjithë. Shqetësimi tjetër është punësime pa kritere, në një vend pune është kërkuar që ë ketë të kryer juridikun, kurse ju e keni punësuar një persona që e ka të kryer fakultetin e shkencave politike, shqetësimi imë është se Fakulteti i juridikut nga ai i shkencave politike dallon mjaftë, mundemi të marrim shembull edhe këtë fakt, sepse objektet e degëve të shkencave politike dhe të juridikut

12. Shqyrtimi dhe aprovimi i Draft Rregullores për Mënyrën dhe Kushtet e Shfrytëzimit të Palestrës së Sporteve “Mizahir Isma” Rahovec,
13. Shqyrtimi dhe aprovimi i Vendimit për ndryshimin dhe plotësimin e vendimit 01 Nr. 591 të datës 16.02.2018, për Themelimin e Komitetit për Komunitete,
14. Shqyrtimi dhe aprovimi i Vendimit për ndarjen e mjeteve financiare për festivalin tradicional mbarëkombëtare të folklorit “Anadrinia Jehon 2019”.

Kryesuesi – Të nderuar kuvendarë a pajtoheni me këtë rend dite.

Fehmi Hoxha – Përshëndetje për të gjithë të pranishmit, tek pika e tretë e rendit të ditës Shqyrtimi dhe aprovimi i Raportit Financiar Janar – Mars 2019, të nderuar nuk duhet të shkruhet shqyrtimi dhe aprovimi por vetëm shqyrtimi sepse raporti financiar nuk miratohet asnjëherë.

Dervish Çadraku – Përshëndetje për të gjithë të pranishmit, të nderuar rendi i ditës për mbledhjen e sodit është goxha i madh, për të qenë ne përmbajtjesor dhe të i shtjerrim temat ne besoj se brenda ditës së sodit nuk do të mundemi. është mirë që herrave tjera rendi i ditës të jetë më i pakët në mënyrë që ne të japim tamam kontributin se për çka kemi ardhur ne këtu. Nëse ne kemi temat të cilat nuk mundën të tejkalohen, atëherë më mirë është të kemi dy mbledhje brenda muajit, edhe nëse dikush thotë se duhet të paguhemi për dy mbledhje unë propozoj që mos të paguhemi, por nuk është mirë të ngarkohemi në këtë shkallë sepse nuk është ai efekt të cilin duhet të kemi ne si kuvendar.

Kryesuesi – Ju faleminderit për vërejtjet dhe diskutimin e bërë të nderuar kuvendarë, nëse nuk ka askush të shtoj edhe diçka atëherë e qes në votim rendin e ditës: Konstatohet se në mënyrë unanime është aprovuar rendi i ditës. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

Kryesuesi – A ka dikush të jepe ndonjë vërejtje apo ndonjë sugjerim sa i përket procesverbalit nga mbledhja e kaluar. Nëse jo atëherë unë kam një vërejtje tek diskutimi imë tek pjesa e parë e lusë sekretarin e kuvendit që ta përmirësojë një gabim teknik që është bërë. E qes në votim pikën e parë (1) të rendit të ditës. Konstatohet se unanimisht aprovohet Procesverbalit nga mbledhja e kaluar. Kalojmë në pikën e 2 të rendit të ditës.

2. Pyetjet dhe përgjigjet në pyetjet e këshilltarëve.

Kryesuesi – A ka ndonjëri nga drejtorët që ti përgjigjet kuvendarëve në pyetjet e parashtruara nga mbledhja e kaluar, nëse nuk ka atëherë e hapim debatin, fjala është e juaja të nderuar kuvendar nëse keni të parashtroni ndonjë pyetje për ekzekutivin.

Fahrije Lushi Morina – Përshëndetje për të gjithë të pranishmit në sallë, do të ndërlidhem me një pyetje e cila është bërë temë në nivel vendi e cila ka të bëjë me Drejtorin për punë Inspektuese. Të nderuar a keni dalë ndonjë herë të inspektoni ndonjë ndërmarrje pune e cila i ka deri në 10 punëtor, a keni inspektuar se si është siguria në punë e këtyre punëtorëve, a kanë këta punëtor kontrata, kjo temë është bërë mjaftë e ndjeshme dhe përmendet gati çdo ditë.

Afërdita Thaqi – Përshëndetje për të gjithë të pranishmit, do e ngris një shqetësim, javën e kaluar me datë 25.04.2019 ditë e enjte shefi i kabinetit të kryetarit ka pasur përleshje fizike në objektin e komunës me një shërbyes civil, konkretisht me z. Enis Mullaavda. Të nderuar shefi i kabinetit të kryetarit është duke bërë presion të vazhdueshëm ndaj shërbyesve civil, pyetje ime konkrete për kryetarin është: Çfarë masa keni marrë ndaj shefit të kabinetit, dhuna fizike është e ndaluar në rrugë e mos të flasim për institucione. A duhet që personat e kabinetit të kryetarit të gëzojnë imunitet, saqë që mos të japin llogari edhe para ligjit, kur e dimë se para ligjit jemi të barabartë të gjithë. Shqetësimi tjetër është punësime pa kritere, në një vend pune është kërkuar që ë ketë të kryer juridikun, kurse ju e keni punësuar një persona që e ka të kryer fakultetin e shkencave politike, shqetësimi imë është se Fakulteti i juridikut nga ai i shkencave politike dallon mjaftë, mundemi të marrim shembull edhe këtë fakt, sepse objektet e degëve të shkencave politike dhe të juridikut

janë të ndara, njëri në fakultetin filozofik, kurse tjetri në fakultetin ekonomik, pra kjo dëshmon se nuk kanë asgjë të përafërt.

Fehmi Cena – Përshëndetje për të gjithë të pranishmit në sallë, në mbledhjen e kaluar unë e kam ngritur çështjen e objekteve kulturore dhe historike të komunës sonë, ku kamë kërkuar nga Drejtoria për Kulturë, Rini dhe Sport që për këtë mbledhje të na prezantojë një listë ku janë të vendosur objektet e komunës sonë që janë nën mbrojtje të trashëgimisë kulturore dhe historike. Arsyeja pse jam duke e kërkuar e kam sqaruar edhe në mbledhjen e kaluar, sepse në komunë tonë mendoj se ka ende objekte që nuk janë të regjistruar, dhe ne si kuvendarë mendoj se mundemi me dhënë kontribut që të gjitha objektet e kësaj rëndësie të futen në këtë listë. Konsideroj se ky është hapi i parë i mbrojtjes së tyre dhe pastaj të bëhet një strategji e përgjithshme se si do të bëhet mbrojtje dhe restaurimi i tyre. Prandaj nëse nuk e ka sjellë sot këtë listë drejtoreshe, e kisha lutur që në mbledhjen e ardhshme të na prezantojë këtë listë.

Ali Zhuniqi – Përshëndetje për të gjithë të pranishmit në sallë, sa i përket përgjigjes me shkrim nga drejtori i shëndetësisë, i nderuar kjo nuk paraqet bazë, sepse dita simbolike kundër kancerit vetëm sa ka përfunduar, pavarësisht përpjekjeve tuaja që je munduar që ta paraqesësh një përgjigje por kjo nuk ka bazë. Kam edhe një pyetje për Drejtorin e Shëndetësisë, kemi pasur raport të auditimit nga viti i kaluar ku kemi pasur rekomandime për participimin e blloqeve që paguhet nga ana e qytetarëve, ju keni qenë ai i cili e keni kritikuar shumë këtë raport të auditimit, pyetje ime është: A keni marrë masa në lidhje me këtë çështje, po ashtu unë edhe më parë kam kërkuar që së paku drejtoritë që janë më të rëndësishme të paraqesin raporte katër mujore të punës, në mënyrë që ne të i shohim vazhdimisht punë të cilët ju jeni të ngarkuar si ekzekutiv.

Afrim Berisha – Përshëndetje për të gjithë të pranishmit, pyetje ime i drejtohet Drejtorisë së Shërbimeve Publike, në bisedë me disa banorë të fshatit Dobidol, ata më shprehën shqetësimin e tyre në lidhje me bllokimin e një kanalizimi. Këta banorë ankohen sepse ujërat zaza dalin mbi sipërfaqen e tokës, ku në shumicën e rasteve shkon edhe në oborret e shtëpive të tyre, ku pastaj kundërmo një erë e keqe, sipas atyre rastin e kanë paraqitur tek KRU – Gjakova pothuajse që një vit, por nde nuk kanë marrë asnjë përgjigje për zgjidhjen e këtij problemi nga ana e tyre, madje ata i kanë thënë se kjo nuk është punë e jona. Po ashtu këta banorë thonë se kanë kontaktuar edhe me organet e qeverisë komunale në Rahovec, por problemi i tyre ende mbetet i pa zgjidhur, shpresojmë se ky problem i këtyre banorëve të zgjidhet sa më shpejtë që është e mundur. Pyetje e dytë ka të bëjë me segmentin rrugor Dejnë – Ratkoc, fëmijët e këtyre fshatrave udhëtojnë çdo ditë për në shkollë dhe jeta e tyre është e rrezikuar pasi që në këto fshatra nuk ka trotuare dhe as ndriçim. Mbesë me shpresë se këto dy kërkesat e mija shumë shpejtë të realizohen.

Refki Kryeziu – Përshëndetje për të gjithë të pranishmit, dua ta ngre një shqetësim rreth ndërtimit të rreth rrotullimit në fshatin Xërxë i ku që një kohë të gjatë kanë ngecur punimet. Kërkesa jonë është që komuna të ndikojë që sa më shpejtë ky rreth rrotullim të përfundojë sepse rrezikshmëria është shumë e madhe, për arsye se ky rreth rrotullim që gjendet tek shkolla fillore në fshatin Xërxë.

Kryetari – Përshëndetje për të gjithë të pranishmit në sallë, ju faleminderit për kontributin që e dhatë duke e ngritur shqetësimet e juaja, disa pyetje do i përgjigjem unë, disa do i përgjigjen drejtorët e drejtorive përkatëse. I nderuari z. Fehmi Cena ju siguroj që në seancën e radhës do ta keni të gatshme këtë listë, lista është por pajtohem me atë që e tha edhe z. Dervish Çadraku se për këtë seancë ka mjaftë pika. I nderuari z. Dervish Çadraku, me të vërtet ka pika shumë dhe kjo mbledhje është e ngarkuar, nëse jeni ju dakord munden të mbahen edhe dy mbledhje, por duhet të dini se njëra paguhet kurse tjetra nuk paguhet. Përndryshe me të vërtetë volumni është i madh dhe 14 -15 pika brenda ditës nuk është lehtë me i kapërcyer siç i ka hije, por siç e thash ne mundemi të e ndajmë këtë mbledhje në dy pjesë, gjithmonë nëse jeni edhe ju të pajtimit. E nderuar znj. Fahrije Lushi, inspektorati i Komunës së Rahovecit inspekton ndërmarrjet private, ne kemi inspektorin e punës, por ka edhe inspektorë të Ministrisë së Punës dhe Mirëqenies Sociale, ne e dimë se të gjitha e kanë një qëllim të përbashkët që punëtorët të trajtohen sipas ligjit të punës, pra të dihet orari i punës, pagesa, pastaj deklarimi i tyre në administratën tatimore të Kosovës etj. në emër tuajin e nderuara Lushi, si dhe në emrin time dhe të gjithë qytetarëve e ftoj inspektorin e punës dhe gjithë

inspektoratin e Ministrisë së Punës dhe Mirëqenies Sociale, që të punojnë sa më shumë që ta vendosin një standard më të mirë të mirëqenies, të drejtave, detyrimeve dhe detyrave që kanë reciprokisht, pronarët e kompanive private, pra të respektohet ligji. E nderuara znj. Afërdita Thaqi e ngriti një shqetësim goxha interesant, ne jemi një vend i vogël dhe e vërteta është krejt ndryshe nga ajo që rrethohej dhe e nderuara. E nderuar së pari konflikti fizik nuk ka pasur, përplasjet verbale ndodhin, është në përgjegjësinë e kryetarit të komunës nëse stafi i tij mundet të involvohet në një mënyrë ose në tjetrën. Po ashtu edhe për shërbyesit civil ka procedura tjetër, ka komisione disiplinore etj. Mendoj se kjo aspak nuk është temë e kuvendit sepse ka mjaftë resurse që do të merren me këto që i tha znj. Afërdita nëse kanë ndodhur, ju siç e dini ne i kemi kamerat e sigurisë dhe gjithçka është e qartë, dhe kur do që e vlerëson kryetari i komunës se ka nevojë i merë incizimet, dhe pastaj si për të mirë ashtu edhe për të keqe përgjegjësia i takon kryetari të komunës, sidomos për staf politik. Sa i takon punësimeve, po ashtu edhe këto janë publike, ka një protokoll, ka rregulla të lojës dhe në rast të pakënaqësisë ka procedurë të ankimit, nëse ka ankesë ka po ashtu edhe organet që i shqyrtojnë ankesat. Nuk e besoj se ka shkelje se po të kishte shkelje po ju sigurojë se konkursi kishte me u anuluar nga komisioni i pavarur i ankesave. I nderuar z. Afrim Berisha ne jemi në diskutime publike me të gjitha lokalitetet tona, kemi qenë edhe në fshatin Dobidol, shqetësimi i tyre për ujërat e zeza është me vend sepse është bllokuar kanalizimi. Po ashtu ka pjesë ku nuk ka fare qasje në kanalizime, përgjegjësitë janë nga njëherë të ndara nganjëherë të përbashkëta, nëse familjet tona paguajnë në faturën e ujit të pijes edhe pagesën edhe për mirëmbajtjen e ujërave të zeza, kjo i bie që KRU- Gjakova është përgjegjëse që ti zhblokoi situata të tilla, por aty ku nuk ka kanalizim është detyrë e komunës që të bëjë. Me kontratën që tani e kemi lidhur e di që është e paraparë edhe ndërtimi i kanalizimit në Dobidol. Sa i përket trotuareve, ne kemi kontratë për rregullimin e trotuareve, dhe natyrisht janë pikat më kritike të cilët mendojmë se duhet të ndërhyjmë. Në kontratën aktuale që e kemi do të shohë a është i paraparë ai segment të cilin ju jeni duke e kërkuar, nëse jo ne do të hapim përsëri kontratën për rregullimin e trotuareve sepse kërkesa ka mjaftë. I nderuar z. Refki Kryeziu sa rreth rrotullimi dhe nënkalimi është kontratë që Ministria e Infrastrukturës e ka lidhur që tre vite, në rastin e Xërxës ka pasur probleme me pronën e hekurudhës, besoni se me shumë vështirësi e kemi zhblokuar. Ka pasur probleme me një lokal aty që është në mes dhe punë kryesi kërkon që një pjesë e atij lokali të lirohet, ai lokal nuk ka kontratë, unë e kam ngritë këtë shqetësim edhe me Ministrin e Infrastrukturës si për Xërxë ashtu edhe për Krushe të Madhe. Po ju përgjigjem edhe për Krushe sepse ai projekt nuk i ngjanë fare një rreth rreth rrotullimi, sepse dikujt ja merë të gjithë pronën dikujt shumë pak, prandaj ne kemi kërkuar ridejzanim të projektit. Ose do të ndërtojmë një rreth funksional ose fare nuk do të ndërtojmë, e jo të ndërtojmë një rreth ku do të kapën në mes vete njerëzit të përleshën. Besoj se do i japim zgjidhje për këto dy projekte këtë javë, ku do të vije një komision dhe nëse vije ne si komunë do të japim kontributin tonë që rreth rrotullimi në Xërxë dhe Krushë të Madhe të kryhen sa ma shpejtë që është e mundur dhe të jenë sa më funksional.

Samir Mustafa – Përsëritet për të gjithë të pranishmit, i nderuar kuvendar z. Ali Zhuniqi me kërkesën të kryetarit të komunës është bërë auditimi i jashtëzakonshëm në Drejtorin e Shëndetësisë, ku auditimi ka konstatuar disa parregullsi që janë bërë në participim në fletë pagesa. Nga viti 2007 dëftesë pagesat nuk janë dorëzuar, ku punëtorët shëndetësor nuk janë barazuar me Drejtorin e Shëndetësisë, pas rekomandimeve të auditorit të brendshëm punëtorët shëndetësor janë barazuar me dëftesë pagesa.

Afërdita Thaqi – Faleminderit kryetar për përgjigje, por unë për vete nuk jam e shqetësuar sepse mua nuk më ka ndodhur por i ka ndodhur qytetarëve të mijë. E gjithë qëndron ashtu si kam thënë unë e jo ashtu si ju u përgjigjet. Kurse sa i përket kriterëve për punësim edhe në mandatin e kaluar i ke punësuar njerëz me shkollë të mesme, ajo që më shqetëson është se ku do të mbesin e ardhmja jonë, duhet të llogarisni se keni fëmijë ju, kam motër dhe vëlla dhe shumë të tjerë. Mendoj se duhet të mundohemi për një edukim më të mirë se sa ashtu shkelë e shko si pas lufte ne edhe ashtu jemi në këtë gjendje.

Kryetari – E para punë asnjë qytetar nuk është i shqetësuar sepse ajo që e thua ti nuk qëndron ashtu, ne i kemi kamerat e sigurisë, unë çdo ditë gati i shikojë kamerat e sigurisë. Ju jeni të shqetësuar dhe shqetësimi i

juaj është me vend sepse asgjë nuk duhet të ndodhë në institucionet e komunës së Rahovecit, por mos u mërzit për qytetarët e komunës sepse asgjë nuk ka ndodhur që të shqetësohesh.

Kryesuesi – Ju faleminderit për diskutimin e zhvilluar, kalojmë në pikën e radhës:

3. Shqyrtimi dhe aprovimi i Raportit Financiar Janar – Mars 2019.

Afrim Limani – Përshëndetje për të gjithë të pranishmit, drejtori limani prezantoi para anëtarëve të kuvendit Raportin financiar 3 mujorë, ku potencoi se në këtë raport janë të përfshirë të gjitha ngjarjet dhe aktivitetet financiare të cilat janë realizuar brenda këtij afati 3 mujorë. Për arsye të vonshëm të miratimit të buxhetit në nivel vendi dhe alokim të vonshëm të buxhetit, ne si drejtori komunale nuk kemi mundur të i procesojmë të gjitha pagesat në të gjitha kategoritë, dhe për këtë arsye raporti i shpenzimit figuron më i vogël në krahasim me periudhën e njëjtë të vitit të kaluar. Po ashtu drejtori limani e lexoi raportin 3 mujorë faqe për faqe anëtarëve të kuvendit. Të hyrat e rregullta janë realizuar 246,957.00 €, krahasim me vitin e kaluar kemi një ndryshim negativ në vlerën prej 4,367.00 €. Gjjobat e gjykatave dhe gjjobat e trafikut kanë pasur një realizim të mirë prej 284,136.00 €, krahasim me vitin e kaluar kemi një rritje prej 8,991.00 €. Kurse sa i përket të hyrave të tatimit në pronë, brenda këtyre tre muajve kemi pasur të hyra 104,804.00 €, nëse e krahasojmë me periudhën e njëjtë të viti të kaluar kemi një rrënje prej 9,043.00 €. Kurse buxheti i shpenzuar në total është 2,783,000.00 €, ku në përqindje i bie 20.23%.

Masar Popaj – Përshëndetje për të gjithë të pranishmit, do të flasë sa i përket krahasimit të hyrave sipas kodeve ekonomike 2018/2019, kodi i tatimit në pronë dhe tatimi në toka, realizimi në vitin 2018 ka qenë 112,474.80 €, kurse në vitin 2019 është 103,431.27 €, ka pasur një rrënje prej 9,043.53 €. Pastaj tek taksa rrugore në vitin 2018 kemi pasur të hyra prej 19,700.00 €, kurse në vitin 2019 kemi pasur 19,240.00 €, edhe këtu kemi një rrënje prej 460.00 €. Pastaj tek kodi taksat e tjerra administrative në vitin 2018 kemi pasur të hyra 29,457.43 €, kurse në vitin 2019 kemi të hyra 14,819.50 €, edhe këtu kemi një rrënje prej 14,637.00 €. Pastaj kodi gjjobat në trafik ë vitin 2018 është 17,425.00 €, kurse në vitin 2019 është 33,966.00 €, këtu kemi një ngritje prej 16,541.00 €. Pastaj taksa për ushtrimin e veprimtarisë në vitin 2018 kemi pasur të hyra prej 20,861.00 €, kurse në vitin 2019 kemi pasur të hyra prej 17,467.00 €, këtu kemi një rrënje prej 3,394.00 €. Kisha kërkuar nga drejtori limani të na tregoj pse ka rrënje të të hyrave në disa kode.

Ali Morina – Përshëndetje për të gjithë të pranishmit në sallë, sa i përket të hyrave mendoj se janë të kënaqshme për këtë tre mujorë, nëse i shikojmë se të hyrat e rregullta nga gjjobat në trafik dhe nga gjykatat kemi pasur një rritje. Tek kodi i krahasimit të të hyrave sipas kodeve ekonomike, tek tatimi në pronë dhe tokë e ceku edhe kolegu z. Masar Popaj ka një rrënje, besoj se drejtori do e japë përgjigjen, por unë mendoj se kjo ka ndodhur për arsye se ende nuk ka filluar aplikimi për subvencione, sepse siç e dimë në këtë periudhë më së shumti bëhet pagesa e tatimit në pronë, por besoj se kjo do të përmirësohet kur të filloj subvencionet. Tek taksa komunale për leje ndërtimi të planifikuara janë 35,000.00 €, realizim në vitin 2018 është 13.00 €, kurse në vitin 2019 realizimi është 11.00 €, mos është bërë ndonjë gabim apo si qëndron puna. Janë edhe disa shifra të paqarta edhe nëpër disa kode tjera, besoj se kolegët e tjerë do i paraqesin, të gjitha që i pata unë për të ngritur i ngrita.

Vahid Krasniqi – Përshëndetje për të gjithë të pranishmit, tek kodi i shpenzimeve tek zyra e kryetarit të komunës kemi 2,800.00 € në krahasim me vitin 2018, bëhet fjalë tek shpenzimet për anëtarësim, realisht nuk jam duke kuptuar këtë shpenzim, besoj se do më japim përgjigje. Tek administrata kemi një shpenzim prej 5,975.00 € tek shërbimet kontraktuese tjera, për këtë mendoj se është dashur të kemi një raport të veçantë, por besoj se drejtoresha do na jepe përgjigjen se cilat janë këto shpenzime. Tek inspektorati e kemi një shpenzim prej 231.00 € për karburante për vetura, që i bije diku për 3 muaj të i bëjnë çdo ditë, nga 50 km, a ka ndonjë raporte se çka kanë bërë këta inspektorë për këto 3 muaj.

Fehmi Cena – Mendoj se ky raporte është mirë i dizajnuar dhe është shumë i qartë dhe gjithëpërfshirës, ku i ka të gjitha kategoritë buxhetore dhe krahasimet me vitin e kaluar, dhe me këtë ne kuvendarët i kemi shumë të qarta gjërat në këtë raport. Të nderuar në raport me planifikimin kemi rritje, por nëse e krahasojmë me vitin 2018 kemi rrënje, tek gjjobat kemi rritje, sidomos ato të trafikut, por ne e vlerësojmë komunën sipas të hyrave vetanake pa gjjoba e trafikut dhe gjykatave. Ne si komunë kemi planifikuar për këtë vit kemi tatimin

në tokë, prandaj ne kemi pritur që këtë vit të kemi më shumë të hyra, në përgjithësi në të gjitha kodet ka rrënje por unë do të ndalem pak tek participimi në shëndetësi. Planifikimi ka qenë 50,000.00 €, kurse realizimi është vetëm 16.58 %, kurse është dashur të jetë $\frac{1}{4}$ sepse ne e kemi kaluar $\frac{1}{4}$ të vitit. Drejtoria duhet të gjejë formën për të i rritur të hyrat në participim, disa herë e kam cekur pse drejtoria për shëndetësi nuk po e formon komisionin mjekësor për dhënien e certifikatave për patentë shofer, kjo ka dobi të dy anshme edhe do i shërbejmë qytetarët tanë edhe do të krijojmë të hyra për komunën tonë. Tek shpenzimet sipas programeve në faqe nr.7si tek pagat dhe mëditjet dhe tjerat mendoj që është dashur edhe një shtyllë parapara ta qitni në raport, pra të ceket se sa ka qenë planifikimi për këto kategori, dhe pas kësaj ne kishim me pas mundësi të dimë se sa janë shpenzuar dhe se a ka pasur punësime shtesë apo jo. Tek shpenzimet e mallrave dhe shpenzimeve sipas programeve jemi duke parë që shpenzimet kanë qenë në të gjitha dikasteret, më pak me vitin paraprak edhe pse mendoj se periudha tre mujore nuk është shumë realiste për të përcaktuar shpenzimet që janë bërë, por besoj se do ta kemi një situatë më realiste në raportin gjashtë mujorë.

Dervish Çadraku – Ajo që më bënë mua përshtypje në këtë raport është se ka një shpërputhje dhe për këtë kërkoj një sqarim nga drejtori, dua ta di a ka shpërputhje sepse nuk kanë qenë shumë aktiv për të plotësuar parashikimet e tyre apo nuk kanë ndodhur me dëshirën e tyre. Shumë shpesh gjërat edhe nuk ndodhin me dëshirën tonë. E marrim për shembull tatimin në pronë ku e shohim se kanë planifikuar 388,767.00 €, kurse janë realizuar vetëm 103,431.00 €, kjo është një diferencë shumë e madhe. Drejtorët mendoj se është dashur të i shikojnë edhe vitet e kaluara se si kanë qenë, dhe si kanë ardhur deri tek realizimi i këtyre objektivave, e jo të ja fusim kotë dhe të bëjmë me atë entuziazmin fillestar se ne do të bëjmë realizimin e parashikuar, kurse në fund e shohim se do të biem në rrafshin real, këta zëra i kemi çdo ku si në taksa komunale, pastaj në regjistrimin e trashëgimisë ko objektivi është shumë i lartë kurse realizimi është shumë i vogël. Tek taksat për certifikatën e lindjes janë parashikuar 45000, në 2018 janë realizuar 17.000, kurse në 2019 janë realizuar 13800, pastaj taksat për certifikatat e vdekjes 4500 parashikimi, në vitin 2018 janë realizuar 388, kurse në vitin 2019 janë realizuar 410, mendoj se parashikimet janë shumë të pa bazuar dhe mendoj se kjo është një dobësi e drejtorëve që nuk kanë mundur të i parashikojnë mirë. Sa i përket gjobave të gjykatave dhe të trafikut, mendoj se ne këtu nuk kemi çka të bisedojmë, unë shpesh herë e kam thënë se këto gjoba janë një lloj infuzioni për komunën, tani kemi një rritje gati prej 49%, kurse tek dënimet jemi në minus, ne nuk duhet të bazohemi tek gjobat e trafikut sepse ato nuk varen nga ne. Tek taksa për ushtrimin e veprimtarisë edhe pse nuk e di se çka është por janë paraparë 75,000.00 €, kurse janë realizuar vetëm 17,467.00 €, dhe shumë e shumë taksa tjera mos të i përmendi rend një nga një.

Rasim Fazliu – Përshëndetje për të gjithë të pranishmit në sallë, falënderoj drejtorin që na ka sjellë këtë raport financiar. Sa i përket këtij raporti nëse ndalemi tek të hyrat vetanake të realizuara në baza mujore karshi viti 2018, mundemi të themi se kemi një rrënje të vogël, por besoj se me angazhimin pak më të madh do të kishte një ngritje pak më e madhe. Kurse sa i përket gjobave në trafik e kam thënë edhe në KPF, se ne nuk duhet të i gëzohemi këtyre gjobave, sepse ati tregojnë një parregullsi në trafikun tonë. E nderuara znj. Florida Bajraktari në KPF i ka përmendur disa kode, ku ka propozuar që të i shtohen këtij raporti, por nuk jam duke i parë edhe tani mungojnë, mendoj se është dashur që të jenë sepse na është premtuar. Ajo që dua të cekim dhe që është më e rëndësishme sipas meje është se ne kemi shpenzime sipas kategorive ekonomike dhe paraqitja grafike, mendoj se tek shpenzimet kapitale është dashur të shpenzohet më shumë buxheti, sepse buxheti i planifikuar për shpenzime kapitale ka qenë 4,203,391.00 €, alokimi ka qenë 1,705,741.00 €, kurse shpenzimet janë 756,396.00 €. Nëse vitin e ndajmë në katër periudhe nga tre muaj atëherë mendoj se është dashur të shpenzohet buxheti pak më tepër. Pastaj kemi rritje të shpenzimeve tek shërbimet publike, në vit 2018 kanë qenë 25,191.00 €, kurse në vitin 2019 janë 36,866.00 €, kaq e kish unë.

Sali Sallteku – Përshëndetje për të gjithë të pranishmit, edhe pse pak mare vesh nga aspekti ekonomik, mendoj se z. Afrim Limani e ka bërë një unë të mirë, sepse e ka dhënë një pasqyrë të mirë dhe për vete e përkrahi për punën që e ka bërë deri më tani.

Refki Kreziu – E kam vetëm një pyetje, tek krahasimi i të hyrave të rregullta të realizuara sipas kodeve ekonomike 2018/2019, tek taksa e të hyrave nga pyjet nuk ka as të planifikuara e as të realizuara, sa e di unë të hyra nga pyje ka, si është e mundur të jetë zero.

Afrim Limani – Ju faleminderit për pyetje, po ja filloj me ju përgjigj z. Masar Popaj, i nderuar rrënja e tatimit në pronë është sepse nuk është aplikuar ende mos aplikimi i subvencioneve, në periudhën e aplikimit të subvencioneve kemi një rekord të të hyrave të tatimit në pronë, nuk dua ta fajësoj askënd por ky është një realitet. Pastaj ishte një pyetje tjetër pse ka rrënje në disa taksa tjera, i nderuar ne duhet të bëjmë një dallim të të hyrave që janë të ndikuese dhe pa ndikuese, pra janë disa të hyra të cilat ne mundemi të ndikojmë, po ashtu ka edhe disa të hyra që nuk varen nga ne. Por është e vërtetë se të hyrat e komunës për këtë periudhë kanë qenë më të vogla në krahasim me vitin e kaluar, por shpresoj se në raportin 6 mujorë do të kemi një inkasim më të mirë. I nderuari z. Ali Morina taksë komunale për leje ndërtimi realisht nuk ka pasur, por në kuadër të Drejtorisë së Urbanizmit e kemi edhe një taksë për planin urbanistik dhe në këtë taksë ne kemi një inkasim të mirë. I nderuar z. Vahid Krasniqi, kodi për shpenzimet për anëtarësim është për asociacionin e komunave të Kosovës, komuna jonë dhe komunat e tjerë kanë një marrëveshje ku e bëjnë pastaj pagesën e anëtarësimit dhe kjo anëtarësi është 5,000.00 € në vit. Pyetje tjetër ishte shpenzimet për karburant nga Drejtoria për Inspektorat, kjo ka ndodhur sepse si prioritet për pagesë i kemi dhënë shpenzimeve për karburant dhe për këtë arsye tani figuron si shpenzim më i madh. I nderuari z. Fehmi cena e çmojë atë që e thatë, por desha të shtoj edhe diçka rreth asaj që e tha edhe drejtori i shëndetësisë, për shkak të auditimit që është bërë në këtë drejtori, janë ndërmarrë disa veprime të mira dhe konsideroj se rezultatet janë vetëm ka shihen, vazhdimisht jam duke e monitoruar dhe jam duke parë procesin e inkasimit, pra kemi një inkasim të mirë të të hyrave. I nderuari z. Dervish Çadraku e ceku se ka një mos harmonizim në mes planit dhe realizimit, i nderuar Ministria e Financave për dy lloje të hyrave nuk na pyet neve fare, ajo e bënë vetë planin dhe ne duhet vetëm të zbatojmë, fjala është për tatimin në pronë, tokë dhe tatimin për mbeturina. Por mos harrë që në fund të vitit të shikosh se sa ka dallim plani në raport me realizimi, por sipas analizave tona përafërsisht duhet të jetë e njëjtë. I nderuar z. Rasim Fazliu ju kërkoi falje që paskam harruar të i fus atë dy kode që i ka propozuar znj. Florida bajraktari, por ju premtoj se si të dal nga mbledhja do e përmirësoj raportin. Sa i përket shpenzimit të vogël për investime kapitale, kjo është për arsye të alokimit të vonshëm të buxhetit, nuk kemi pasur kohë dhe hapësirë më shumë. I nderuar z. Refki Kryeziu arsyeja pse nuk kemi të hyra nga taksa për pyje, ne së bashku me drejtorin e bujqësisë dhe me sektorin e bujqësisë jemi marrë shumë me këtë problematik, ku kemi marrë një përgjigje se të hyrat nga pyjet janë duke u regjistruar tek një lloje takse për shërbime administrative, ne do të shkojmë një ditë që të vërtetojmë a është kjo e saktë apo jo, nëse po atëherë duhet të i lusim që ti derdhin në kodin adekuat.

Kryesuesi – Ju faleminderit të gjithëve për pyetje, po ashtu e falënderoj drejtorin e financave për sqarimet që ju dha. Kalojmë në pikën e radhës të rendit të ditës:

4. Shqyrtimi dhe aprovimi i Plotësim ndryshimi të Rregullores për Taksa, Tarifa, Ngarkesa dhe Gjoha Komunale.

Isak Hoti – Përshëndetje për të gjithë të pranishmit, të nderuar në mungesë të drejtorit të shërbimeve publike, do ju prezantoj unë këtë pikë. Është kërkuar plotësim ndryshimi i Rregullores për taksa, tarifa, ngarkesa dhe gjoha, tek neni 8.2 është kërkuar nga Drejtoria për Shërbime Publike, që për ormanët që lajnë duke u vendosur nga KEDSI nëpër qytet, për futjen e rjetit nëntokësor tarifa të ritet nga 150.00 € në 200.00 €. Kjo tarifë do të paguhet një herë në fillim e jo çdo vitë

Fehmi Cena – Këtu kemi të bëjmë me një rritje të taksës, tani z. Hoti na tregoi se për këtë taksë do të bëhet një herë pagesa nga KEDSI, ne e kemi përkrah këtë rritje të taksës sepse do të kemi më shumë të hyra për komunën tonë. Ne e kemi pasur një vërejtje edhe në KPF, po ashtu edhe sot e kemi të njëjtën vërejtje, sepse vendosja e këtyre ormanëve nuk është duke u bërë në mënyrë të rregullt, dhe pastaj janë duke paraqitur pengesë në trotuare. Kisha kërkuar që komuna të jetë më e kujdesshme në këtë, jemi pro që të punohet por vendosja e tyre të jetë sa më e rregullt, përndryshe këtë ndryshim të tarifës mendoj se duhet ta mbështesim.

Fehmi Hoxha – Përshëndetje për të gjithë të pranishmit, shumë keq që nuk qenka prezent sot drejtori i shërbimeve publike sepse ndryshimi i kësaj rregullore është shumë me rëndësi. I nderuari kryesues së pari mendoj se është dashur të kemi ne sot prezent rregulloren ekzistuese komplet në mënyrë që të dimë se ku është ndryshimi. Do ju shpjegoj se si ka qenë më herët që të keni më të qartë pastaj, pas kërkesave të shumta të KEDSIT gjatë mandatit të kaluar, ne disa herë e kemi diskutuar këtë çështje, edhe atëherë e kemi kërkuar që të bëhet ky ndryshim që të lehtësojmë investuesit të KEDSIT në mënyrë që të bëjnë investime në Komunën e Rahovecit. Gjithsesi se pajtohem me këtë por atëherë tarifat kanë qenë ndryshe kurse tani janë tarifat vjetore, por gjithsesi se 200.00 € për m² nuk është shtrenjtë, por këtu e kemi specifikuar vetëm për KEDSIN, të nderuar nuk certifikohet një vendim i cili merret një anshëm dhe selektiv. Të nderuar kuvendarë propozoj që të specifikohet në vendim se kjo vlen për të gjithë shfrytëzuesit e MDF-së, me këtë do të kemi ankesa të tjera sepse kemi bërë selektive.

Munib Durguti – Përshëndetje për të gjithë të pranishmit, edhe unë jam i mendimit që është dashur të kemi komplet rregulloren me një arsye shtesë, në mbledhjen e kaluar sa e di kolegu z. Rexhep Oruçi e ka ngritë shqetësimin rreth disa participimeve që janë bërë ndaj pensionistëve dhe personave me aftësi të kufizuar. Neve na është dhënë premtim publik se në mbledhjen e radhës do të keni komplet rregulloren me ndryshimet e kërkuara. Neve tani na ka ardhur një propozim për rritje të taksës për ormanët e KEDSIT, për të cilin nuk jam kundër, por neve nuk në është dhënë një përgjigje konkrete për fatin e listës së participimeve në shëndetësi.

Kryesuesi – Të nderuar kuvendarë z. Fehmi Hoxha e ka dhënë një propozim që kjo taksë të jetë për të gjithë shfrytëzuesit e MDF-së.

Isak Hoti – Të nderuar ne edhe ashtu duhet që të ndryshojmë komplet rregulloren, kjo rregullore është problem nacional, jo vetëm problem i komunës sonë, për vetë faktin e ndryshimit të ligjit për kundërvajtje. Ministria e Financave është duke e diskutuar dhe sa jam i njoftuar është në fazën finale të hartimit të një Draft rregullore për taksa, tarifa, gjoba dhe ngarkesa, kjo taksë do të bëhet unike për të gjithë komunat, pastaj sipas specifikave të komunave do të futen edhe taksat. Kjo është bërë për arsye të KEDSIT për të i futur kabllot nëntokësore, ne realisht nuk kemi ndonjë kërkesë tjetër nga ndonjë operator tjetër, ne nuk e dimë a do të certifikohet, përgjigja do na vije pas dërgimit për ligjshmërinë e aktit në ministri. Propozimi i Drejtorisë së Shërbimeve Publike është që të jetë vetëm për KEDSIN, pastaj kur të vije ndryshimi i rregullores kompletë të ulemi dhe të diskutojmë, po ashtu pastaj mundemi të i fusim edhe këto propozime.

Fehmi Hoxha – Të nderuar po ju siguroj se kështu në mënyrë të një anshëm nuk do të certifikohet, me këtë po na dele që ne jemi duke prashitur vetëm në ujë. Është e vërtet se ajo që e tha z. Hoti do të bëhet ky unifikim, ku do të caktohet edhe përqindja për inkasim, po ashtu është e vërtet se edhe rregulloret e tjera të komunave tjera kanë problem të mëdha. Prandaj është mirë që për të gjithë ata operatorë që bëjnë kërkesë në Drejtorin e Shërbimeve Publike taksa të jetë me këtë ndryshim, e jo të jetë vetëm për KEDSIN.

Fehmi Cena – Kishte me qenë mirë që ne të i sqarojmë gjërat para se me e mare një vendim, këtu kemi të bëjmë me një tarifë, ne jemi dakord që të gjitha kompanitë të cilët e bëjnë punën e njëjtë të i nënshtrohen tarifës, por sa duhet të jetë kjo tarifë ne nuk duhet të vendosemi sot, ajo duhet të vije nga drejtoria. Jemi duke parë tani që mungesa e drejtorit është duke na bërë probleme ne në parim mundemi të marrim vendim që edhe ata të i nënshtrohen taksës, ose të e shtyjmë këtë pikë të rendit të ditës për mbledhjen e ardhshme.

Fehmi Hoxha – Të nderuar tarifën drejtori e ka caktuar ka qenë 150.00 € kurse propozimi është 200.00 €, por unë propozoj që të jetë për të gjithë, ne kemi pasur mjaftë probleme me mos inkasim si nga KEDSI dhe të tjerë për arsye të mos harmonizimit të rregullores, jam pro propozimit prej 200.00 € por për të gjithë.

Isak Hoti – Neve nuk na kushton asgjë nëse i vendosim edhe për operatorët e tjerë të jetë kjo taksë, por ne duhet të shikojmë se çfarë tarife kanë ata operator të tjerë, por ju jeni ata që vendosni e jo ne.

Kryesuesi – Të nderuar kuvendarë z. Fehmi Hoxha e ka dhënë një propozim që kjo taksë të jetë për të gjithë shfrytëzuesit e MDF-së. E qes në votim propozimin e z. Fehmi Hoxha: Konstatoj se në mënyrë unanime është aprovuar propozimi i z. Fehmi Hoxha. Kalojmë në pikën e radhës:

5. Shqyrtimi dhe aprovimi i Vendimit të Kryetarit për miratimin e marrëveshjes për bashkëfinancim dhe themelimin e komisionit për shqyrtimin e kërkesave për ndarje të shtëpive për banim.

Isak Hoti – Është nënshkruar një marrëveshje me bashkëfinancim të cilën e ka hartuar zyra ligjore, kjo marrëveshje është nënshkruar në mes kryetarit të komunës dhe shoqatës Jetimët e Ballkanit, ku kanë shpreh dëshirën që shtatë shtëpi të ndërtohen në komunën e Rahovecit për skamnor. Komuna e Rahovecit do të participoj nga 5,000.00 € për secilën shtëpi, pos kësaj marrëveshje e keni edhe një vendim për anëtarët e komisionit që duhet sot të mirët nga ana juaj. Ky komision mundet të ketë 5 ose 7 anëtar për ate ju vendosni, ky komision do ti vlerësoj kërkesat të cilat vinë, pastaj në bazë të përzgjedhjes së këtyre kërkesave do të ndërtohen këto 7 shtëpi.

Rasim Fazliu – Është shumë mirë që qytetarëve në nevojë të komunës së Rahovecit i vije në ndihmë një njeri siç është z. Halil Kastrati gjithsesi në bashkëpunim me Komunën e Rahovecit. Ne si grupe i PDK-së e mbështesim këtë marrëveshje, besoj se do e mbështesin të gjithë sepse ku të kemi edhe raste të tjera që ti dalin në ndihmë qytetarëve tanë të cilët janë në nevojë.

Fehmi Cena – disa vërejtje që i kemi pasur në KPF mendoj se tani këtu në këtë mbledhje u sqaruan, buxheti që është ndarë nga komuna është buxhet që ne vetë e kemi votuar në shumën prej 35,000.00 €. Mendoj se gjithçka është e qartë, do të jetë komisioni i cili do të bëjë shqyrtimin e kërkesave dhe pastaj do të marrin një vendim se kush duhet të i gëzoj këto shtëpi, prandaj mendoj se ne duhet të përkrahim këtë marrëveshje. Komuna nuk është në mesin e atyre komunave që dallohet shumë që njerëzit aq shumë kanë nevojë për shtëpi, por sigurisht se edhe në komunën tonë mundet të gjendet dikush që ka nevojë të i ndërtohet shtëpia. Ne dimë se ndërtimi i një shtëpie kushton më shumë se 5,000.00 €, prandaj ne e përshëndesim shoqatën Jetimët e Ballkanit që ka shpreh gatishmëri që ti ndihmojë një pjesë të qytetarëve të komunës sonë. Prandaj edhe ne si grupi i LDK-së e përkrahim këtë iniciativë.

Ali Morina – I nderuari kryesues desha një sqarim sa i përket anëtarëve të komisionit, në këtë vendim e kemi të cekur: 1. Kryesuesi i komisionit, 2. Anëtar nga kuvendi, 3. Anëtar nga ekzekutivi, 4. Anëtar nga shoqëria civile dhe 5. Anëtar nga shoqata Jetimët e Ballkanit. Kryesuesin a e propozon ekzekutivi i cili e ka një vend, apo e propozon kuvendi i cili edhe ai e ka një vend, mendoj se kjo është dashur të specifikohet. Kurse sa i përket marrëveshjes edhe ne si grup i AAK-së jemi pro kësaj marrëveshje.

Isak Hoti – Të nderuar 2 anëtar janë nga kuvendi, kam mundur pozitën e kryesuesit të lë në fund apo në mes, por më ka shkuar dora dhe e kam lënë në fillim. Kështu që dy anëtar janë nga kuvendi, një nga ekzekutivi dhe një nga shoqëria civile, të gjithë këta anëtar e zgjedhin vetë kryesuesin e grupit.

Ali Zhuniqi – Edhe ne grupi i Vetëvendosjes i mbështesim aktivitetet humanitare, përndryshe e përgëzoj z. Halil Kastratin dhe kryetarin e komunës, i uroj familjeve në nevojë ndërtimin e shtëpive, por dashtë zoti që mos të ketë më nevojë askush për mbështetje të tilla.

Kryesuesi – Ju faleminderit për diskutimet e bërë, tani është koha që të jepni emrat për anëtar të komisionit.

Ali Morina – Ne grupi i AAK-së e propozojmë z. Artan Zenuni.

Rasim Fazliu – Ne si grupe i PDK-së propozojmë z. Refki Kryeziu.

Dervish Çadraku – A kemi të drejtë të i propozojmë më shumë se dy anëtar të kuvendit, nëse po atëherë ne VV-ja e propozojmë znj. Shqipe Kryeziu.

Sali sallteku – Të nderuar ne jemi duke kërkuar që të i mbajmë dy mbledhje në muaj, edhe pse njëra nuk paguhet, nuk janë shumë pika edhe këto sot që i kemi nëse shkojmë pa i diskutuar shumë, sepse ka pika që diskutojnë disa perona për gjërat e njëjta pa nevojë. Tani munden edhe këta të LDK-së të propozojnë emra dhe të shkojë gjatë kjo pika pa pikë nevojë, z. Dervish Çadraku nuk i takon sepse janë pak në numër ne jemi më shumë dhe na takon neve.

Dervish Çadraku – Është e drejta e jona dhe askush nuk ka nevojë të na tregoj neve se a kemi të drejtë apo jo, pastaj ju shumica vendosni vetë atëherë pa neve.

Fehmi Cena – Nëse shkojmë me marrëveshje me dy veta atëherë ne rregull mundemi të mëremi vesh ne grupet parlamentare, por nëse shkojmë kështu me propozime atëherë edhe ne e kemi kandidatin tonë.

Propozimi imë kishte me qenë që dy nga kuvendi të jenë nga opozita, sepse ekzekutivi e ka përfaqësuesin e vetë, me këtë do të kemi një përfaqësim më të gjerë.

Kryetari – Unë gjithsesi se pajtohem, po ashtu pajtohem se do të ndërtohen 7 shtëpi në komunën tonë për njerëzit në nevojë, po ashtu edhe 3 shtëpi shtesë shoqata Jetimët e Ballkanit e ka mare përsipër se do i ndërtojë betë me mjetet e tyre, pra gjithsej 10 shtëpi. Nëse ju pajtoheni që të jeni të gjithë pjesë e komisionit atëherë unë propozoj që të jenë 7 anëtar të komisionit, por nëse pajtoheni me z. Sali salltekun se duhet të i biem shkurtë atëherë unë po e tërheq z. Artan Zenunin, dhe lërijani këtyre grupeve më të vogla.

Refki Kryeziu – I nderuar kryesues unë tërhiqem nga ky komision dhe ja lë hapësirë partive më të vogla që të përfaqësohen.

Dervish Çadraku – Sa bura të mirë jeni duke u bërë tani sepse ky komision nuk është me pagesë, nuk është problem tani edhe ne tërhiqemi por nuk është e drejtë.

Artan Zenuni – Përshëndetje për të gjithë, i nderuari kryesues edhe unë po tërhiqem dhe po ja lëmë vendin partive më të vogla si LDK-së dhe VV-së.

Masar Popaj – Në grupi i LDK-së propozojmë Faton Ramadani, kurse sa i përket asaj që e thoni se LDK-ja si pari e vogël, mos harrini se edhe ju tani jeni bërë të barabartë me PDK-në, kështu që besoni se ju do të shkoni duke u zvogëluar kurse ne duke u rritur.

Kryesuesi – Pra u sqarua tani kemi këto emra për anëtar të komisionit: Nga kuvendi nga radhët e LDK-së z. Faton Ramadani, nga radhët e VV-së znj. Shqipe Kryeziu, nga ekzekutivi Samir Mustafa, nga shoqëria civile nga SHL – Kosova znj. Vjollca Gërguli. E qes në votim marrëveshjen në mes kryetarit dhe shoqërisë Jetimët e Ballkanit dhe anëtarët e komisionit: Konstatoj se në mënyrë unanime është aprovuar pika e pestë (5) e rendit të ditës. Kalojmë në pikën e radhës:

6. Shqyrtimi dhe aprovimi i Vendimit të Kryetarit për themelimin e çmimit për krijimtari letrare e artistike “Sulejman Krasniqi”.

Bjondina Kleqka – Përshëndetje për të gjithë të pranishmit, para vete e keni një propozim vendim për krijimtarinë letrare dhe artistike Sulejman Krasniqi, ky çmim propozohet me qëllim që të ju ndahet të gjithë atyre që kanë kontribuar rreth kulturës, dhe ruajtjen e vlerave të traditës kombëtare. Vlera e çmimit letrarë Sulejman Krasniqi do të jetë 500.00 €, dhe ky çmime do të ndahet për ditën e bibliotekës Sulejman Krasniqi. Ju ftoj që ta përkrahni dhe votoni këtë propozim vendim.

Fahrije Lushi Morina – Së pari kjo është njëra nga mënyrat më modeste nga ne si komunë që të tregojmë një respekt dhe një traditë të mirë, ndoshta tipike falënderuese ndaj vlerave dhe veprimtarisë letrare dhe artistike të cilën e përmban veprimtaria letrare e Sulejman Krasniqit. Uroj që gjithmonë të i përkrahim dhe nderojmë shkrimtarët të cilët vinë nga komuna jonë, të cilët besoj se nuk janë të paktë, po ashtu mirë do të ishte që edhe për së gjalli të i nderojmë, pasi me Sulejman Krasniqin nuk e patëm këtë mundësi.

Rasim Fazliu – Gjithsesi që edhe ne jemi pro këtij propozim vendimit për ndarje të këtij çmimi, ky çmim i bënë vetëm nderë komunës së Rahovecit duke u bazuar në figurën madhore që e ka pasur Sulejman Krasniqi.

Kryesuesi – E qes në votim Propozim vendimin e Kryetarit për themelimin e çmimit për krijimtari letrare e artistike “Sulejman Krasniqi”: Konstatoj se në mënyrë unanime është aprovuar pika e gjashtë (6) e rendit të ditës. Kalojmë në pikën e radhës të rendit të ditës:

7. Shqyrtimi dhe aprovimi i Vendimit të Kryetarit për caktimin e datës 7 dhjetor si Dita e Bibliotekës “Sulejman Krasniqi” në Rahovec.

Kryesuesi – Me kërkesë të anëtarëve të kuvendit, po e qes në votim edhe pikën Propozim vendimin e kryetarit për caktimin e datës 7 dhjetor si Dita e Bibliotekës “Sulejman Krasniqi” në Rahovec, pasi ka të bëjë me të njëjtën çështje: Konstatoj se në mënyrë unanime është aprovuar edhe pika e shtatë (7) e rendit të ditës. Kalojmë në pikën e radhës të rendit të ditës:

8. Shqyrtimi dhe aprovimi i Draft Planit të Veprimit për Transparencë Komunale 2019 – 2023.

Isak Hoti – Draft plani për transparencë komunale për herë të parë është për katër vite, këtu ka punuar një grupe punës i cili është formuar nga kryetari i komunës, nëse keni ndonjë vërejtje ose ndonjë sugjerim rreth këtij plani vetëm sa e plotësoni dhe e bëni më të plotë këtë plan.

Faton Ramani – Përshëndetje për të gjithë të pranishmit, sa in përket kësaj pike desha të japë pak kontribut, në faqe nr. 2 të këtij plani është cekur se mbledhjet e kuvendit do të përcillen online përmes faqes zyrtare të komunës, nga MAPL-ja dhe kanalit youtube. Mendoj se kishte me qenë mirë të ceket se mbledhjet janë duke u përcjellë edhe nga radio aktiv.

Haziz Krasniqi - Përshëndetje për të gjithë të pranishmit, të nderuar kjo është bërë edhe për komunat e tjera, dhe në asnjë komunë nuk është cekur ndonjë radio apo televizion, edhe pse komunat e tjera kanë radio lokale dhe televizione lokale. Po ashtu edhe në rregulloren për transparencë që shumë shpejtë do ta keni në kuvend nuk është paraparë, prandaj nuk e kemi parë të arsyeshme të vendosim këto radio lokale, dhe as portalet e tjera që janë në nivel komune.

Kryesuesi – E qes në votim Draft Planit të Veprimit për Transparencë Komunale 2019 – 2023: Konstatohet se në mënyrë unanime është aprovuar pika e tetë (8) e rendit të ditës. Kalojmë në pikën e radhës:

9. Shqyrtimi dhe aprovimi i Vendimit për Themelimin e Komitetit Konsultativ për persona me aftësi të kufizuara, shpalljen e konkursit dhe caktimin e panelit për përzgjedhjen e anëtarëve në komitet.

Isak Hoti – Kjo kërkesë ka ardhur nga koordinatori znj. Gabibe Haxhimustafa, ne sot këtë e kemi sjellë në kuvend për të zgjedhë panelin për themelimin e Komitetit me persona me aftësi të kufizuara. Të njëjtën kohë do të hapet konkursi ku do të aplikojnë njerëzit, mandati i tyre është 3 vjetarë, detyrat e tyre i kanë të cekur në vendim.

Kryesuesi – Të nderuar për formim të këtij komisioni neve na duhen tre emra të anëtarëve nga kuvendi.

Rasim Fazliu – I nderuar kryesues ne grupi i PDK-së e propozojmë znj. Afërdita Thaqi.

Ali Morina – Ne grupi i AAK-së e propozojmë znj. Besmire Bytyçi.

Hanalora Hoti – Përshëndetje për të gjithë të pranishmit, ne grupin i LDK-së propozojmë Mirjeta Krasniqi.

Kryetari – Nga ekzekutivi propozojmë z. Artan Asllani, kurse nga shoqëria civile Haxhi Hoxha.

Kryesuesi – E qes në votim Propozim vendimin për Themelimin e Komitetit Konsultativ për persona me aftësi të kufizuara, shpalljen e konkursit dhe caktimin e panelit për përzgjedhjen e anëtarëve në komitet: Konstatohet se në mënyrë unanime është aprovuar pika e nëntë (9). Kalojmë në pikën e radhës:

10. Shqyrtimi dhe aprovimi i Vendimit paraprak për ndërrimin e destinimit të përhershëm të tokës kullësë e klasës së 6 në tokë ndërtimore për Zonën Ekonomike në fshatin Opterushë.

Artan Asllani – Përshëndetje për të gjithë të pranishmit, kryetari i komunës i propozon kuvendit të komunës së Rahovecit që të merë vendimin paraprak për ndërtimin e destinimit të përhershëm të tokës kullësë e klasit të gjashtë në tokë ndërtimore për zonën ekonomike. Qëllimi i ndërrimit të kësaj toke është krijimi i zonës ekonomike, siç e dini komuna e Rahovecit që nga viti 2001 ka qenë në përpjekje për krijimin e zonës ekonomike mbi fshatin Opterush, por kjo ka pasur pengesë nga agjensioni pyjor i Kosovës nuk a mundur të vazhdoj me procedurat e tjera drejt licencimit të kësaj zone. Pas vendimit të fundit të Qeverisë së Republikës së Kosovës që e ka marrë me datë 22 qershor të viti 2018 për krijimin e zonës ekonomike në fshatin Opterush ju është dhënë Komunës së Rahovecit, pas këtij vendimi ne kemi vazhduar me kompletimin e dokumentacionit dhe për licencim të zonës ekonomike në këtë lokacion. Dri më tani i kmei kryer të gjitha pëlqimet që kanë qenë kriter për licencim të kësaj zone ekonomike qoftë nga ministrinë përkatëse ose nga komisionet kompetentë. Tani jemi në fazën e fundit për licencim, por si kriter tjetër i Ministrisë së Tregtisë është që kjo të jetë edhe pikë e rendit të ditës në kuvendin komunal të Rahovecit dhe të merret një vendim për nderim të destinimit nga toka kullësë në tokë ndërtimore. Ju ftoj të gjithëve që ta përkrahni këtë propozim vendim.

Ali Zhuniqi – Këtu i keni cekur 34 hektar 89 ari, më duke goxha një pjesë që le të nënkuptohet se një pjesë e madhe e pyjeve do të dëmtohen në këtë zonë.

Munib Durguti – Pëlqimet të cilat i ceku drejtori se janë mare nga ministritë relevante, ne në material nuk i kemi mungojnë, pasi jemi duke mare një vendim të rëndësishëm ku përfshihen më shumë se 34 hektar, kërkoj që herrave tjera me lëndë të ngjashme të kemi një material ma të kompletuar.

Kryetari – Të nderuar të gjitha pëlqimet janë, materiali nuk ka pasur nevojë fare të vije në kuvend sepse zona ekonomike është themeluar, ne sot këtu jemi duke kërkuar licencim të zonës ekonomike, që do të thotë ndarjen e mjeteve financiare për rregullimin e infrastrukturës së zonës ekonomike. Janë diku 9 milion euro që i ndanë Qeveria e Kosovës në kuadër të Ministrisë së Tregtisë për zonat ekonomike. Pra materialit i mungon vetëm ky vendim që të jetë i kompletuar.

Kryesuesi – E qes në votim Propozim vendimin për ndërrimin e destinimit të përhershëm të tokës kullosë e klasës së 6 në tokë ndërtimore për Zonën Ekonomike në fshatin Opterushë: Konstatohet se në mënyrë unanime është aprovuar pika e dhjetë (10) e rendit të ditës. Kalojmë në pikën e radhës:

11. Shqyrtimi dhe aprovimi i Vendimit për dhënien e pëlqimit për shfrytëzimin e ngastrave kadastrale 777, 778 dhe 779 në vendin e quajtur Rakita – Xërxë, kompanisë “NTP Vëllezërit Morina”.

Rumir Zhuniqi – Përshëndetje për të gjithë të pranishmit, me datë 20.03.2019 z. Fadil Morina pronar i kompanisë Vëllezërit Morina ka parashtruar një kërkesë për marrje të pëlqimit në Drejtorin e Urbanizmit. Kërkesa është bërë me qëllim të vazhdimit të procedurave për licencimin e kompanisë së tij në komisionin e pavarur për minierave dhe mineraleve, për aktivitetin e prodhimit të betonit dhe rërës. Parcela për të cilën ka kërkuar të pajiset me pëlqim është pronë private dhe gjendet në zonën kadastrale në Xërxë, por parcela është në kuadër të zonës së mbrojtur e cila është e shpallur nga kuvendi komunal në vitin 1986. Andaj Drejtoria për Urbanizëm i propozon kuvendit që kompanisë Vëllezërit Morina të i jepet pëlqimi për ushtrimin e aktivitetit të tij ekonomik në atë parcelë, pasi pronari nuk e ka ndonjë parcelë tjetër ku mundet të i dislokojë mjetet e tij të punës. Propozimi ynë është që pëlqimi të i jepet në një afat prej 5 viteve me mundësi që të ndryshohet nga ana e kuvendit të komunës së Rahovecit.

Fehmi Hoxha – I nderuari drejtor është bërë një gabim në propozim vendim sepse e keni cekur si propozues Drejtorin e Urbanizmit, asnjë drejtor në ekzekutiv komunal nuk ka të drejtë të i bëjë propozim kuvendit komunal për miratim. Drejtoritë i bëjnë propozim kryetarit të komunës në bordin e drejtorëve, nëse kryetari ja aprovon atë propozim atëherë në kuvend vije propozim vendimi nga ana e kryetarit të komunës. Të gjithë operatorët ekonomik dhe këta shfrytëzues, ku këtë vit është potencuar pak më shumë nga Ministria e Mjedisit dhe Planifikimit Hapësinorë. E tha edhe drejtori se kjo është zonë e mbrojtur e përcaktuar në vitin 1986, me ligjet e reja të Kosovës është dashur të bëhet rikategorizimi i zonave të mbrojtura, në vitin 2015 propozim vendimi i ish kryetarit të komunës z. Idriz Vehapi ka ardhur në kuvend ku pastaj kuvendi ka marrë vendim për rikategorizimin e zonës së mbrojtur që është në dy pjesë kadastrake Xërxë dhe Gexhë. Pas marrjes së vendimit Ministria e Mjedisit dhe planifikimit Hapësinorë, respektivisht instituti për mbrojtjen e monumenteve natyrore i cili është përgjegjës për kategorizim dhe rikategorizim të zonave të mbrojtura ka formuar një komision me përbërje prej 8 anëtarëve, ku është punuar 18 muaj. Pas raportit të parë që ju është dhënë përbërjes së kuvendit të kaluar, kuvendi ka marrë vendim për hapjen e debatit publik, ku pastaj janë zhvilluar debatet publike në atë zonë si në Xërxë, dhe pjesët e tjera. Pas përfundimit të debatit publik është marrë vendim përsëri nga kuvendi për hapjen e shqyrtimit publik, është bërë shqyrtimi publik, është bërë raporti përfundimtar dhe pastaj është dërguar në Ministrinë e Mjedisit dhe Planifikimit Hapësinorë. Pastaj kjo ministri e ka përgatitur një draft të tyre si përgjegjës për kategorizim dhe rikategorizim, por pasi ishte fushata zgjedhore ka mbetur, por nuk është anuluar, por nuk është votuar ai propozim vendim. Arsyeja pse e shtëllova këtë është se e pashë që në propozim e keni propozuar që ti jepet për 5 vite, të nderuar PZHK-në e keni në përfundim e sipër, unë kam një propozim tjetër dhe kjo nuk ka të bëjë as për një vit as për dy dhe as për pesë vite. Duke u bazuar dokumente ligjore dhe në procedurat e komunës që vazhdimisht është duke i zhvilluar, është mirë që të merret një vendim sot që ti ndihmohet të gjithë operatorëve aty ku kemi mundësi, por të merret vendim deri në miratimin përfundimtar të PZHK-së dhe Hartës Zonale, pra mos të përcaktohen vitet.

Kryetari – Falënderoj z. Fehmi Hoxhën për kontributin që e dha, por më duket se ne e kemi një paqartësi këtu, këtu bëhet fjalë për pëlqim për një parcelë që është e mbrojtur me ligj, të gjitha ato që i tha kuvendari i nderuar përbërja e kaluar të gjitha ato janë kryer, por nuk e ka zgjeruar zonën sepse nuk ka pasur votim në kuvend. Pastaj propozimi i drejtorit të urbanizimit natyrisht se nuk vije në kuvend pa miratimin gojorë ose formal të kryetarit të komunës. Ju e dini se përbërja e kaluar e kuvendit këtij operatori ja ka dhënë pëlqimin për vazhdimin e veprimtarisë për 1 vit po në këtë parcelë që ne sot jemi duke diskutuar, ajo është zonë e mbrojtur, por këtu nuk bëhet fjalë për dhënie enë shfrytëzim, tani jemi në situatën ku ende nuk është miratuar ende PZHK-ja, jemi në prag të përfundimit të PZHK-së, jemi në proces të hartimit të Hartës Zonale. Prandaj ne e kemi lënë në pikën e katërt të propozim vendimit që sipas nevojës kuvendi komunal mundet të revokojë pëlqimin, pra nëse ne do të kemi ndonjë shkele ligjore atëherë MAPL-ja është ajo që na kthen përgjigjen se a është i ligjshëm vendimi të cilin ne e kemi marrë sot. E mbështesë propozimin e Drejtorisë së Urbanizimit, ju siç e dini ju është ndaluar veprimtaria të gjithë operatorëve që mirën me zhavorre, ne tani e kemi një situatë bukur interesante. Unë jam takuar edhe me shefin e KPMM-së i cili ka qenë në komunën tonë, ne si komunë jemi të obliguar qeti japim pëlqim mjedisor, por ne ja kemi dhënë disave që janë me pronat e agjesnionit pyjor etj, por për këtë nuk kemi mundur pa kuvend sepse kjo parcelë mbrohet me ligj. Ju ftoj që të përkrahni këtë propozim vendim kështu siç e kemi sjellë në kuvend.

Rasim Fazliu – Mendoj që nga fillimi në komunën tonë nuk ka funksionari inspektorati, sepse përderisa thuhet se është zonë e mbrojtur atëherë nuk është dashur në këtë zonë të lejohet të ndërtohen ndërtimet e tilla, pra është një gabim kronologjik. Ne edhe në mandatin e kaluar ja kemi dhënë pëlqimin për një vit, tash po na del se duhet përsëri të mëremi me këtë problem, unë mendoj se edhe atëherë është bërë gabim që ju është dhënë për 1 vit, kurse gabimi më i madh i kësaj qeverie është se ka ardhur me një propozim për 5 vite. Zotëria në fjalë kur ju është dhënë pëlqimi për një vit është dashur ta zgjedh problemin, por unë e kuptoj se çka është duke ndodhur, kjo është një zhegitje që ai të ushtroj veprimtarin vetë. Ne me disa të tjerë jemi dakorduar që mos të shkojmë me propozimin për 5 vite, por propozimi ynë është që ti i jepet mundësia edhe për 2 vite, besoj se për këto vite do të bëjë diçka, ose do të bëjë zhvendosjen e atyre mjeteve nga ai vend.

Kryetari – E kuptoj anëtarin e kuvendit z. Rasim Fazliu ka të drejtë rreth shqetësimit të tij, por i nderuar është situata kështu, nëse ai nuk do të kishte pëlqim ai atëherë vazhdimisht do të dënohej nga inspektorati ose do të rinte i mbyllur ky biznes. Kompletimi i lëndës për marrje të licencës nga KPMM-ja i duhet kohë më së paku deri në 9 muaj, pra një procedurë të tej zgjatur të organeve të tjera të cilat i monitorojnë punët e resurseve minerale. Prandaj sa më pak vite ja japim pëlqimin mendoj se do të ketë më shumë probleme, edhe fundi fundit kjo është vetëm pëlqim, ne e kemi të cekur në nenin 4 të vendimit, se kur i duhet komunës mundet ta revokojë këtë vendim.

Vahid Krasniqi – Në momentin që është ardhur si pikë e rendit të ditës, kam filluar që të interesohem për këtë pikë, jo që e njohë pronarin e kësaj kompanie, por më ka rënë të punoj në këtë drejtim. Kolegu z. Fehmi Hoxha e shpjegoi në detale, por ashtu edhe z. Rasim Fazliu e ka me të drejtë që e tha se që nga fillimi ka shkuar gabim kjo punë sepse nuk është dashur as të ndërtohet, por ne nuk kemi çka të bëjmë sepse kjo është bërë tani. Sa jam i informuar ky operator i ka së paku 20 punëtor, po ashtu jam në dijeni që e ka pas një pëlqim për 1 vit. Po ju tregoj se si shkojnë procedurat, pasi e merë ky pëlqimin nga komuna, ky duhet të bëjë kërkesë në Ministrinë e Bujqësisë, pasi është tokë bujqësore, dhe sipas informatave pëlqimi nga kjo ministri vonohet deri në 9 muaj, pas kësaj ai duhet të shkoj tek agjensioni i KPMM-së, që të aplikoj për licencim. Në mandatin e kaluar ju është dhënë pak për 1 vit, por edhe tani që ishin disa propozime për 2 vite është pak, mendoj se propozimi prej 5 viteve është i arsyeshëm sepse pika 4 e vendimit shumë mirë e definon, se komuna e Rahovecit në rast që sheh interesim të përgjithshëm publik, mundet të ja revokojë pëlqimin këtij operatori.

Munib Durguti – Natyrisht se jemi për të i dhënë pëlqimin, pasi që operatori e ka pas një pëlqim ë herët, mendoj se nuk është e drejtë që ti ndalohet veprimtaria biznesore në pronën e vetë, pa marrë parasysh që kjo zonë është e mbrojtur me ligj. Ne sot kemi me mare një vendim dhe ky vendim nuk dallon ashe me atë vendim që do të marrim për PZHK-në, në aspektin ligjor është i barabartë, kjo situatë mundet të prodhojë

kontradikta me PZHK-në sepse do të kemi dy vendime të kuvendit të cilët nuk përputhen njëra me tjetrën, kjo është situatë hipotetike sepse ka mundësi të përputhet, por edhe mos të përputhet. Sa i përket pikës së 4 që është e cekur në vendim, mendoj se kjo pikë nuk duhet të figurojë fare në vendime sepse nënkuptohet se edhe ligji e jep atë të drejtë dhe kuvendi në secilën kohë mundet dhe ka të drejtë të i revokojë vendimet e veta. Unë e mbështesë propozimin që e dha z. Fehmi Hoxha, që ne të i japim pëlqimin deri në aprovimin e PZHK-së, pra të futet edhe kjo pikë shtesë në vendim, pastaj të shikojë kuvendi se a është në përputhje me PZHK-në ky vendim.

Kryetari – I nderuar neve na është prezantuar Drafti i PZHK-së, është paraparë zgjerim i zonës ndërtimore, tani kuvendi mundet të vendos ndryshe të mëremi vesh, ne i kemi dy ose tre rrugë ose duhet të i legalizojmë ato objekte ose duhet të i rrënojmë të gjitha ose duhet të zgjerojmë zonën ndërtimore. Mendoj se kuvendi i komunës më shumë do të shkojë nga ajo që të bëhet zgjerimi i zonës ndërtimore sepse ne jemi duke jetuar në një realitet ku vështirë është me e pa një revolucion të tipit klasik, ku do të hymë me buldozera që ti rrënojmë të gjitha. Mundet të futet edhe ajo që e propozoi z. Munib Durguti, por nëse ky kuvend ka të drejtë të revokimit të vendimit edhe nëse shkruan edhe nëse nuk e shkruan atë që e propozuat, mendoj se ne asgjë nuk humbin në këtë situatë, por vetëm i japim mundësi një operator që të pajiset me licencë.

Dervish Çadraku – Mendoj se aty ku mungon ligji aty pastaj dalin hapësira ku munden të veprojnë individët ose subjektet e ndryshëm, sikurse që e tha edhe kryetari në kohën e komasacionit, një pjesë e tyre është keqpërdorur, kjo do të thotë se atëherë ose ka pasur mungesë të ligjit ose nuk janë njoftuar njerëzit për këtë ligj, ose ka qenë neglizhencë e komunës dhe institucioneve të tjera kompetente ku është dashur të i ndalojnë ato veprime që kanë ndodhur. Nëse ne veprojmë ashtu siç e tha Kryetari dhe disa të tjerë që janë këtu, atëherë po na del se njëjtë jemi duke vepruar sikurse atëherë që e kemi lejuar të veprojnë. Nëse kodra e Gradishit së bashku me kompleksin këndej është embleme e komunës dhe zonë e mbrojtur, dhe pikë referuese e komunës së Rahovecit dhe e njerëzve të cilët vinë të vizitojnë këtë pjesë atëherë ne duhet të mbrojmë këtë pjesë. E di që ky njeri dhe ky subjekt i ka rreth 20 punëtor dhe ndoshta e dëmtojmë, por pikërisht për shkak se e kemi lënë deri tani kështu ai do të vazhdojë ende kështu, dhe nëse nuk e ruajmë këtë zonë ne jemi përgjegjës. Nëse ju kujtohet në mandatin kur kam qenë unë drejtor kemi dashur në një pjesë të Gradishit të bëjmë një pikë grumbulluese të mbeturinave, por kanë ardhur dhe na kanë thënë që nuk bënë sepse kjo është zonë e mbrojtur. Propozimi imë është që të i japim kohë 2 - 3 vite, por kurrsesi 5 vite, me këtë do të dalim para ligjit dhe qytetarëve që jemi duke e mbrojtur ambientin, nëse ja lëmë PZHK-së atëherë mendoj se ky plan edhe 10 vite ndoshta nuk bëhet.

Kryetari – Të nderuar kriter nga KPMM është nëse donë dikush të pajiset me dokumentacion atëherë duhet të ketë afat 5 vite, për këtë arsye ai nuk ka pasur se si të pajiset, ai duhet të ketë pëlqim 5 vite në mënyrë që të ketë rastin që të vazhdojë më tutje. Edhe një herë po ju them ne e kemi të drejtën me e hekë kur të dëshirojmë, por ne duhet të ja japim rastin atij që të shohim se a do të mundet ai të e zgjidhë rastin me KPMM-në, nëse jo atëherë ne jemi këtu. Ju ftoj që të votoni për 5 vite, mendoj se propozim vendimi është i arsyeshëm dhe të drejtat e rezervuara i ka kuvendi i komunës së Rahovecit.

Rexhep Oruçi – Me vetë faktin se kjo pikë e rendit të ditës na ka mare goxha kohë, ku kemi debatuar në mënyrë konstruktive dëshmon se është interesi edhe i qytetarëve por edhe i komunës në përgjithësi dhe në veçanti të një operatori ekonomik. Siç dëgjuam ky person i ka 20 punëtor mendoj se komuna vetëm që ja sheh hairin sepse paguan tatime dhe kontribute. Këtu kishte disa propozime, dikush 2, dikush 3 vite, unë për vete jam që ti vazhdohet për 5 vite, për arsye se atij i duhet kjo kohë për tu pajisur me licencë. Nëse ndryshohet PZHK-ja dhe nëse dele në kundërshtim me PZHK-në atëherë ky vendim revidohet, është mirë që kjo një herë e mirë të kryhet puna me gjithë atë rajon, janë propozimet nga niveli qendrorë se si duhet të kryhet kjo punë, prandaj unë si Rexhep Oruçi jam pro që ti jepet për 5 vite.

Kryesuesi – Të nderuar kuvendarë e qesim në votim propozimin e z. Rasim Fazliu që pëlqimi për shfrytëzimin e ngastrave kadastrale 777, 778 dhe 779 në vendin e quajtur Rakita – Xërxë, kompanisë “NTP Vëllezërit Morina” ti vazhdohet vetëm për dy vite: Konstatohet se me 10 vota kundër, 8 vota pro nuk u aprovua propozimi z. Rasim Fazliu. Tani të nderuar kuvendar e qes në votim Propozim vendimin për

dhënie e pëlqimit për shfrytëzimin e ngastrave kadastrale 777, 778 dhe 779 në vendin e quajtur Rakita – Xërxë, kompanisë “NTP Vëllezërit Morina”: konstatohet se me shumicë votash është aprovuar pika e dymbëdhjetë (12) e rendit të ditës. Kalohet në pikën e radhës:

12. Shqyrtimi dhe aprovimi i Draft Rregullores për Mënyrën dhe Kushtet e Shfrytëzimit të Palestrës së Sporteve “Mizahir Isma” Rahovec.

Isak Hoti – Zyra ligjore ka hartuar rregulloren në fjalë, debati publik është mbajtur me datë 15.04.2019, në këto debata kanë marrë pjesë vetëm anëtarët e grupit të futbollit, askush tjetër pos tyre. Kjo rregullore gjithsej i ka 17 nene, duke përfshirë qëllimin, përkufizimin, funksionimin e palestrës sportive, strukturën organizative të objektit sportiv, mirëmbajtjen e palestrës, investimet kapitale, pastaj e drejta për shfrytëzim të palestrës, mënyra e shfrytëzimit të palestrës, kërkesat për shfrytëzim, orari i shfrytëzimit të palestrës sportive, rregullat themelore për shfrytëzimin e palestrës sportive, e drejta e sponsorizimit, dokumentacioni i nevojshëm për shfrytëzimin e palestrës sportive, pagesat e shfrytëzimit të objektit të palestrës, masat ndëshkuese, rregullimi dhe ndryshimi i mjedisit, zbatimi i rregullores dhe hyrja në fuqi e palestrës. Gjatë debatit na ka dalë një kërkesë që nga biletat të hyrat për komunë të jenë 30% edhe pse propozimi i kryetarit është të jetë 20%. Debati më i ashpër po dele të jetë tek e drejta e sponsorizimit, ndoshta edhe është keq interpretuar, reklamat brenda palestrës që janë statike janë reklama që do të paguheshin në buxhetin e komunës, reklamat lëvizëse dhe reklamat elektronike janë reklamat që shkojnë drejtpërsëdrejti tek klubi që e organizon lojën. Të nderuar anëtar të kuvendit ju jeni ata që do të jepni verdiktin e fundit sepse kjo rregullore votohet nga ju, propozimet, sugjerimet e juaja vetëm sa e pasurojnë këtë rregullore, qëllimi ynë është që të dele sa ma mirë kjo rregullore për sportdashësit e komunës së Rahovecit. Mos të harrojmë se kjo palestër ka edhe koston e mirëmbajtjes, sipas informatave që i kam marrë në drejtorinë e financave për muajin shkurt dhe mars pa e llogaritur ngrohjen janë paguar vetëm rrymë 1,300.00 €. Dhe këto të hyra që i inkason komuna nga kjo palestër shkojnë vetëm për mirëmbajtje të palestrës.

Kryesuesi – Është fati i madhe që më në fund edhe Komuna jonë është bërë me palestër sportive, ku të rinjtë tanë kanë mundësi që të zhvillojnë aktivitetet sportive, prandaj është e domosdoshme që të kemi rregullore për palestër.

Vahid Krasniqi – Tek e drejta e sponsorizimit, të drejtën ekskluzive për sponsor kryesor tek pamjet e palëvizshme në parket i takon një sporti që është më i suksesshëm, ne në këtë rast e kemi basketin. Kjo rregullore është marrë shabllon edhe nga komunat e tjera, dhe sponsorët e tjerë klubet mund të i përdorin gjatë ndeshjeve, kur të përfundojë ndeshja reklamat e tyre hiqen, mendoj se gjithçka është e qartë këtu.

Munib Durguti – Do të fokusohem tek neni 4 tek struktura organizative e objektit sportiv, tek pika 2e këtij neni ceket se struktura organizative për menaxhimin e objektit sportiv përbëhet nga zyra administrative e palestrës, kujdestari e kështu me radhë, ne tekst më poshtë ceket edhe menaxheri i palestrës. Prandaj propozoj që pika 2 të plotësohet dhe të fillohet nga menaxheri i palestrës dhe të vazhdohet pastaj me zyrat administrative e me radhë.

Fehmi Hoxha – Është mirë që është precizuar kjo rregullore, po ashtu mirë që janë cukur tarifat për çdo pjesë që duhet të shfrytëzohet palestra, por një gjë duhet të kemi ne të qartë se bizneset në komunën e Rahovecit janë një ndër bizneset më të ulëta dhe me mundësi më të pakta për sponsorizim, bizneset në Komunën e Rahovecit më së paku sponsorizojnë sportin dhe kulturën. Prandaj propozoj që të gjitha tarifat që janë të cukur për sponsorizim të zvogëlohen për 30% me të vetmin qëllim që sa më shumë biznese të kemi të involvuar në sporte. Të nderuar ne nuk mundemi të krahasohemi në fushën e biznesit dhe zhvillimit ekonomik me komunat e tjera sikurse që është Gjilani ose Suhareka, prandaj e dhashë këtë propozim që taksat të zvogëlohen për 30%. Po e citoj nenin 11 pika 7.8: Transmetimi i ngjarjeve në palestër nga kompanitë televizive në rast se nuk janë të ftuara nga subjektet, dua një sqarim se cili është subjekti në këtë rast, a është ekipi i cili i zhvillon garat, apo është Drejtoria për Kulturë, rini dhe Sport. Pastaj pika 8 shpenzimet e shkrimit, vendosjen dhe zhvendosjen e reklamave i batë subjekti i cili i ka vendosur reklamat, mendoj se duhet të shtohet edhe një pikë shtesë dhe të ceket se kush e bartë shpenzimet në rast se dëmtimin e bëjnë shikuesit. Pastaj pika 13: Në rast se paraqiten dy ose më shumë kërkesa për reklama në të njëjtin

vend përzgjedhja bëhet me licitacion, a kemi ne të drejtë një gjë të tillë me e bë (Oferta dhe kërkesa më të favorshme komerciale), a duhet të formohet ndonjë komision apo duhet ekzekutivi të merret me këtë. Tek neni 12: Klubet sportive për zhvillimin e aktiviteteve të tyre sportive duhet të i sjellin tek menaxheri i palestrës këto dokumente, a do të kemi ne menaxher të palestrës, sepse aktualisht kemi shefin e sportit.

Refki Kryeziu – Desha të ndërlihem rreth nenit 13 pika 1.6 të kësaj rregullore ceket: Për zhvillimin e ndeshjes me bileta 30% e mjeteve të nkasuara nga shitja e biletave derdhen në llogarinë e komunës, pjesa tjetër prej 70% derdhet në llogarinë e shfrytëzuesit të palestrës. Propozimi imë është që shuma prej 30% e inkasimit që shkon për komunën të hiqet, dhe të ceket një shumë fikse prej 100.00 € që ti paguhet komunës për një ndeshje. Po ashtu edhe sponsorizuesit është mirë që mos ti ngarkojmë me këto tarifa, sepse ata janë ata që e mbajnë klubin, tek vendosja e reklamave i bie që sponsorizuesit të bëjnë marrëveshje me komunën dhe jo me klubet.

Isak Hoti – Po i përgjigjem z. Fehmi Hoxha, tek shpenzimet në raste dëmtimit të palestrës nga shikuesit i bartë drejtpërsëdrejti organizatori. Kurse tek pika 13 sa i përket licitacionit a kemi të drejtë, po i nderuar ne kemi të drejtë, edhe ofertat për ankand publik jemi duke i bërë njëjtë për shfrytëzimin e hapësirave publike, shkon me ofertë ai i cili jepe çmimin më të lartë ai e fiton. Sa i përket menaxherit të sallës, ne qysh në fillim e kemi diskutuar se menaxheri dhe stafi teknik duhet të plotësohet, zyrtarët që janë për momentin janë transferuar përkohësisht, por nuk mundemi të i bartim për çdo herë. Komuna e ka për obligim të i hapë vendet e lira të punës dhe në palestër të plotësohet stafi. Tek çështja e 30%, mos harroni se ka me pas raste edhe organizim të koncerteve, organizatori vjen fiton nga koncerti kurse ne duhet të paguajmë të gjitha shpenzimet, rrymën, pastrimin, ndonjë dëmtim eventuale etj. Por prapë ju jeni ata që vendosni sepse ju jeni kuvendit dhe ju e votoni, por ne e kemi cekur më lartë edhe në ato organizimi që nuk ka bileta çmimi i shfrytëzimit është 30.00 €, kurse aty ku ka bileta e kanë propozuar 30%. Por realisht 20% është standard nga shumica e komunave, por ka komuna që e kanë edhe 30%, p.sh Suhareka e ka 30%, Gjilani 30%, por ne pasi jemi komunë më e vogël mundemi me e lënë me 20%.

Vahid Krasniqi – Kisha propozuar që 30% të hiqet për klubet, për arsye se klubet tani janë të gjitha fillestare, përpos basketit, do të keni mjaftë vështirësi që të mbijetojnë, të gjitha klubet mendojnë që të kenë hyrje me bileta në mënyrë që me ato të hyra të mbijetojnë. Kurse për organizim të koncerteve dhe organizime tjera të mbetet shuma prej 30%.

Kryesuesi – Të nderuar me të vërtetë kemi organizim të garave, ku klubet tona sidomos basketbolli i cili tani për momentin është duke korrur suksese, shpresojmë edhe sportet tjera, kishte me qenë mirë që nëse është mundësia që të lëvizim pak përqindjen dhe të jetë 20%, ky është edhe propozimi imë: Nëse në një ndeshje janë 100 shikues të pranishëm atëherë edhe komuna asgjë nuk përfiton dhe i bie që të gjitha shpenzimet të i bien në kurriz të komunës, nëse nuk punon ndonjë poqë në palestër bëhet bukur alarmante, pastaj ngrohja e sallës dhe për këtë dikush duhet të kujdeset dhe kjo ka koston e vetë goxha të madhe. Por nëse salla mbushet si në këto ndeshje atëherë me këtë ka përfitim edhe klubi, por edhe komuna duhet të mbështetet sepse duhet të merë diku mjete që të investoj pastaj në mirëmbajtje të palestrës.

Isak Hoti – Problem tjetër që e kemi është çështja e pastrimit, ju thash ne mundemi me e lënë pa pare, ju jeni ata që vendosni, por me qenë që ndërgjegjësohemi dhe të paktën pastrimin e sallës le ta kryejnë vetë, por gjithqysh komuna po është e obliguar që ta paguaj dike që të bëjë pastrimin e palestrës. Ju i dhatë disa propozime, dikush propozoi 30%, dikush 20%, ndaluni ka 15% pra një mes dhe ta kryejmë këtë punë, fundi fundit klubet janë tonat dhe shumë mirë që kanë mare famë, gëzohem që janë duke ecur përpara, është mirë që ju ka dhënë mundësia të rinjve të Rahovecit dhe të shohin se edhe ne jemi dikushi. Por prapë po e the ju jeni kuvendi, ju jeni ata që e ngritin dorën dhe ashtu si e ngritin ju dorën ashtë edhe do të votohet kjo rregullore.

Refki Kryeziu – Të nderuar kuvendarë propozimi imë është që të jetë 10%.

Fehmi Cena – Mendoj se çdo objekt që ndërtohet e ka koston e vetë të shpenzimit, edhe pse e dimë se për çka përdoret ne të gjithë jemi të vetëdijshëm. Mendoj se 30% të mos jetë, por edhe 10% është shumë pak, ma mirë të mos ketë fare se sa 10%, propozimi imë është 20% dhe mendoj se është shumë real. Ka kosto

sepse duhet stafi të punësohet, pastërtia duhet të jetë në nivel e jo të grumbullohen aty mbeturinat deri në gjunjë dhe të bëhet pastaj burim i infeksioneve të ndryshme, prandaj mendoj se së paku dy pastrues duhet aty të punësohen.

Vahid Krasniqi – Të nderuar mendoj se komunat e tjera paraprakisht i kanë pasur tarifat 10,20 edhe 30%, dhe ata kanë ardhur në përfundim se 20% ose 30% i përgjigjet kërkesave të objektit. Prandaj edhe unë kisha me thanë që mos të dalim shumë jashtë kësaj rregullore, por të shikojmë se si i kanë komunat mesatare sikurse Komuna jonë, të i përshtatemi atyre dhe ta votojmë.

Kryesuesi – Tani do e hedhim në votim propozimin e z. Fehmi Hoxha që komplet tarifat e nenit 11 të ulen për 30%: Konstatohet se me 16 vota për, 5 kundër dhe pa asnjë abstenim aprovohet propozimi i z. Fehmi Hoxha. Tani e qesë në votim propozimin e z. Refki Kryeziut i cili ka propozuar që tarifa e biletave që i merë komuna të jetë 10%: Konstatohet se propozimi i z. Refki Kryeziut nuk aprovohet. Tani e qes në votim propozimin e z. Afrim Dina dhe z. Fehmi Cena që tarifa e biletave që i inkason komuna të jetë 20%: Konstatohet se me 16 pro, 5 kundër dhe asnjë abstenim është aprovuar propozimi i z. Afrim Dina dhe z. Fehmi Cena. Tani të nderuar kuvendar e qes në votim Draft Rregulloren për Mënyrën dhe Kushtet e Shfrytëzimit të Palestrës së Sporteve “Mizahir Isma” Rahovec, me ndryshimet e bëra nga kuvendarët tanë. Konstatohet se 17 pro, asnjë kundër dhe me abstenime është aprovuar pika e dymbëdhjetë (12). Kalojmë në pikën e radhës:

13. Shqyrtimi dhe aprovimi i Vendimit për ndryshimin dhe plotësimin e vendimit 01 Nr. 591 të datës 16.02.2018, për Themelimin e Komitetit për Komunitete.

Të nderuar kuvendarë ne që një kohë e kemi vendin vakant tek Komiteti për Komunitete, pas dhënies së dorëheqjes nga znj. Bjondina Kleqka si anëtare e këtij komiteti nga radhët e AAK-së. Ju po ashtu e dini se KQZ-ja nuk ka qenë aktive deri më tani, pasi u aktivizua ne tani duhet të plotësojmë këtë komitet me një anëtare nga AAK-ja. Propozimi i AAK-së është që anëtare e këtij komiteti të jetë znj. Shqipe Tara. E qes në votim propozimin e grupit të AAK-së: Konstatohet se në mënyrë unanime është aprovuar pika e trembëdhjetë (13) e rendit të ditës. Kalojmë në pikën e fundit të rendit të ditës:

14. Shqyrtimi dhe aprovimi i Vendimit për ndarjen e mjeteve financiare për festivalin tradicional mbarëkombëtar të folklorit “Anadrinia Jehon 2019”.

Afrim Limani – Këtu kemi të bëjmë me një kërkesë të cilën na ka adresuar këshilli organizativ i Festivalit Anadrinia Jehon, ata e kanë adresuar kërkesën që kjo pagesë të bëhet në emër të subvencioneve nga zyra e kryetarit, por në mungesë të mjeteve nga kjo kategori buxhetore, kam propozuar që kjo pagesë të bëhet nga kategoria e mallrave dhe shërbimeve. Kërkesa e tyre është në vlerën 8,500.00 €, kurse propozimi i kryetarit është që ti ndahen 5,500.00 €, por ju jeni ata që vendosni se sa mjete duhet të i ndani këtij festivali.

Masar Popaj – Vitin e kaluar i kemi ndarë 4,000.00 €, kurse tani kërkohet 5,500.00 €, të nderuar nuk jam kundër që ti ndahen mjetet, por ka qenë mirë nëse do ta kishim një tabelarë se për çka do të shpenzohen këto mjete, pra të kemi më shumë detale.

Dervish Çadraku – Mendoj se z. Masar Popaj e ka shumë të drejtë, çdo kërkesë që bëhet e këtij lloji duhet të ketë një projekt, ku ceket në tabelë se çka shpenzohet në këtë aktivitet. Ndoshta ju e keni por është dashur që edhe ne ta kemi atë tabelarë që të jemi të njoftuar më mirë se ku shkojnë këto mjete dhe me ditë se për çka jemi duke votuar.

Munib Durguti – Jam duke parë që ky vendim është pakës më ndryshe sikurse vendimet e tjera që i ka marrë kuvendi, kuvendi zakonisht vendos për kategorinë e subvencioneve në vlerën mbi 2,000.00 €. Dilema ime është se ku e bazojmë në këtë vendim, në këtë formë kjo nuk bënë të shkoj, për mallra dhe shërbime është një procedurë e përcaktuar që duhet të shkojë me thirrje publike, ku konkurrojnë këshillat dhe vendoset dhe pastaj shkon me marrëveshje me kryetarit të komunës dhe këshillit organizues.

Afrim Limani – I nderuar z. Dervish çadraku, kjo shoqatë ka bërë kërkesë në kuadër të thirrjeve publike që është bërë në kuadër të subvencioneve, por siç e cekam më lartë kjo tani është kërkesa ime që për arsye të mungesë së mjeteve në subvencione të bëhet pagesa nga kategoria e mallrave dhe shërbimeve. Pastaj pa marrë parasysh vlerën kuvendi është ai i cili vendos, ju siguroj se kurrfarë problemi nuk do të kemi në aspekt

me ligjin nëse këtë e vendos kuvendi. Kjo shoqatë e ka sjellë raportin me përshkrimin e të gjitha shpenzimeve që do të bëhen për aktivitetet e këtij festivali.

Dervish Çadraku – U informova që ka konkurruar ashtu si duhet në Drejtorin e Kulturës, por unë e thash se ne është dashur të kemi materialin përpara, ne gjithqysh që do ja ndajmë mjetet këtij këshilli, por nuk e kemi materialin e mjaftueshëm, ku pastaj do të marrim vendim konform ligjit, por duhet të jetë edhe për nevojat e tyre vendim i arsyeshëm.

Kryesuesi – E qes në votim Propozim vendimin për ndarjen e mjeteve financiare për festivalin tradicional mbarëkombëtare të folklorit “Anadrinia Jehon 2019”: Konstatohet se me 15 vota pro, asnjë kundër dhe me 4 abstenime është aprovuar pika e katërmëdhjetë (14) e rendit të ditës.

Kuvendar të nderuar ju falënderoj të gjithëve për kontributin e dhënë, mirupafshim në mbledhjet e radhës.

Mbledhja e kuvendit ka përfunduar në ora 12:10

01 Nr. 1818

Rahovec, 31.05.2019

Procesmbajtësi

Skender Hamza



KRYESUESI

Afrim Dina